

**I**r Ferdinand von Gottes  
 Gnaden Römischer König/zü allen zeit Me-  
 rer des Keychs/in Germanien/zü Hungern / Be-  
 hem/Dalmatien/Croatien/vnnd Sclauonien zc.  
 König. Insamnt in Hispanien/Erzherzog zü  
 Osterreich/Herzog zü Burgundi/Steyr/Kerndten / Crain vnd  
 Wirtemberg zc. Graf zü Tirol zc. Embieten allen vn̄ yeden Pre-  
 läten/Graven/Freyen/Herzen/Rittern/Knechten/Lanndshawbt-  
 leüten/Lanndtmarschalhen/Hawbtleüten / Vizdomben/Vögten/  
 Pflegern/Verwesern/Lanndtrichtern/Burgermaistern/Richtern/  
 Rāthen/Burgern/Gemainden/Darzū allen Pfarzern/Vicarien/  
 Seelsorgern/vnd sonnst allen vnnd yeden Obgkaiten / geistlichs  
 vnd weltlichs Standts/so in geistlichem vnnd zeitlichem Ambt/  
 Gericht/vnnd Obgkait haben vnnd verwalten/vnnd in gemain  
 allen vnd yeden vnnsern Vndertanen/was Wirden/ Standts/  
 oder wesens die sein/vnd mit disem vnnsern offen Brieff/allenthal-  
 ben in vnnsern Königreichen/ Fürstenthumben / vnnd Erblannd-  
 den/vermant werden/vnnsere gnad vnnd alles guet.

Vnns zweyfelt nit/Ir seyt eingedenckh/vnnsrer vilfeltigen vätter-  
 lichen auch ganz Chustlichen warnung / vnd erinnerung / so Wie  
 nun etlich mal/durch vnser General Ausschreiben vn̄ sonst gethan  
 mit auffüerung / Diweil zü disen vnnsern laidigen vnnd wider-  
 werttigen zeiten / so vilfeltig Straffen mit Hunger / Wassernot/  
 Kriegen/Zwyspalt im Glauben/vnd in sonnders/das vnnsere Kün-  
 nigreich vnnd Erblannd/von dem grawssamen Erbfeyndt ge-  
 mainer Chustenhait dem Türgken/nun etlich Jar aneinander mit  
 krieg angegriffen vnnd verfolgt/Dardurch vnser getrewen Vn-  
 derthanen/an irem Leib/Leben/Hab/vnnd Güettern/ für vnnd für  
 verderbt/vnd in schaden pracht worden/Das solch yezgemelt vnd  
 dergleichen widerwerttigkeit vnd vbel ongezweyfelt daher kome  
 vnnd entsteet/Das der Allmechtig Gott solichs vber Vnns verhen-  
 ge vnd schicke/von wegen der vilfeltigen Sündt vnnd Laster/so  
 layder zü vnnsern vnd disen letstten zeiten/in allen Strennden/geist-  
 lichen vnnd weltlichen / vom Wenigsten bis züm Obisten vber-  
 hanndt genomen vnd scheinbar worden. Als auch Christus vn-  
 ser lieber Herz vnd Seligmacher gesagt hat/das in den letstten ze-  
 ten die Liebe gegen Gott vnd dem nechsten erkalten/vnd die Pos-

hait vberhandt nemben werde/ Das sehen vnd erfahren Wir auch  
täglich/ wie die Andacht gegen Gott/ vnd die Lieb gegen dem Nächst-  
sten auch die guetten erbern Conscients vnnnd gewissen an vil enns-  
den gefallen/ Vnd dagegen wunderbarlich vnnnd widerwertig vor-  
nye erhört Secten im glauben/ vnd der waren Religion / Derglei-  
chen Gotslesterung/ Wuecherey/ Kawberey/ die Laster der Fresse-  
rey vnd Trinckerey/ Todtschleg/ Zbruch/ vnd annder dergleichen  
Laster/ dermassen vber handt genomen haben/ das an vil orten die  
Tugent/ vnnnd alles erber züchtig Christenlich wesen verspot/ vnnnd  
veracht/ Vnd aber dagegen Schandt vnnnd Laster/ bey beyderlay  
geschlecht/ Mann vnd Weyß/ für kain vbel geachtet würdet.

Vnnnd nach dem dann ye die Heilig Schrifft an vil orten aufweist/  
zum höchsten warnet vnd bezeugt/ Das vnnnder sollichem vnglau-  
ben vnnnd sündlichem wesen / des gewaltigen Gottes zorn vnnnd  
Straff komben werd/ wie dann oft vnnnd zu mermalen beschehen/  
Dauon Vns auch die war heilig Schrifft an mer orten/ Geschichte  
vnd Exempel klerlich fürbildet vnd züerkennen gibt.

Setten Wir Vnns auf solich vnnser vätterlichs vnnnd gnedigs  
verwarnen vnd ermauen/ darinnen Wir doch nichts annders/ dan  
Gottes Lob/ vnnnd Ewer yedes aigen Seligkeit vnnnd wol fart ge-  
suecht/ gleichwol gang ongezweyfelt versehen/ Ir soltet aus aigner  
angebormer Christenlicher liebe vnnnd naigung/ on alle beswerung/  
die oberzelten vnnnd der gleichen Laster vnd Sünden/ vnd in sonn-  
ders alles leichtfertig vbel/ wesen vnd leben / abgestellt/ vnnnd in ai-  
nem rewigen pueßwertigen leben/ Ewre Sündt gepüest vnd mit  
andechtigem Gepet/ in vnsern angesehen processionen/ auch andern  
Gozdiensten zu Gott gerüest vnd vmb Gnad/ Hilff/ Victori/ vnd  
Syg wider die Unglawbigen/ vnnnd derselben Anhang/ herzlich  
gebetten haben.

So gelanggt Vns doch glawblich an/ das die vermelden vnser  
aufgegangne General/ an etlichen Orten/ vnd fürnemblich bey den  
Obzigtaiten/ beider Stennde/ wenig ansehens gehabt/ oder densel-  
ben gelebt vnd nachkomen seie.

Wie dann solichs offenwar vnd wissentlich ist/ Von deswegen  
sich ongeweyßelt der Almechtig Gott/ mit seinen Barmherzigen  
Augen bis her mit zu Vnns gewenndt/ Sonnder hiezwischen ( wie  
obsteet ) auch in annder weg/ graussamen vnnnd erschrockenlichen  
schaden verhengt hat.

Welcher vngheorsam vnd verachtung/ Beschechner vnnsrer vätterlichen Verwarnung vnnnd Gebots/Wir nit vnbillich myßfallen tragen/Wellen Vnns auch die straff gegen solchen Vngheorsamen/vnd in sonders gegen den Obgkaiten/so hierjnn farlässig gewest/vorbehalten vnnnd nit Begeben haben.

Dieweil aber die pueß/das ist ware Rew vnd Layd / vnd Pesserung des lebens/nit nur allain im Glawben/sonnder auch in gueten Werckhen/so vnser mittel ist/steet/durch welche Wir die Gnad vnnnd Hilff Gottes erlangen/vnnnd den göttlichen Zorn von Vns abstollen mögen/vnd onzweyfel nach aufweysung der Propheten/so Wir Vnns zü Gott bekeren werden/wierdet vnnnd will Er sich/aus seiner grundlosen vnd vnaußsprechlichen Barmherzigkait auch zü Vnns wenden/als Wir dann desselben in der heiligen Schrift vilfeltige anzaigen haben.

Vnnnd Wir dann zü Jüngstgehaltnen Lanndtügen / durch die Stenndt vnser Lanndschaften züm höchsten angesücht vnnnd gebetten worden sein/das Wir zü abstellung solher voraugen sweben der Laster vnd vbels/gnedigiste vnd ernnstliche einsehung thuen wellen/Welches Wir nit allain/auff bemelter vnser Lanndschaften ansuechen Sonnder auch für vnns selbs hienor ye vnnnd alweg/als ain Christenlicher König/Herz vnd Landtsfürst/mit allen gnaden begierlich vnd genaigt gewest/vnnnd noch sein.

So wellen Wir Ewch demnach hiemit in gemain/vnnnd ainen yeden in sonders nochmaln Vätterlich vnnnd gannz gnediglich vermant/daneben auch in sonnderhait allen Obgkhaiten/Geistlichen vnd weltlichen Stannnds/ernnstlich aufgelegt/vnnnd gebotten haben/Das Ir oberzelte Laster/vnd sonnderlich Ir vnnsrer nachgesetzte Obgkaiten/vnnnd ain yeder für sich selbs/die erschrockenlichen new eingeriffen Irtsal vnnnd Secten/vnnnd fürnemlich wider die hochwürdigen syben Sacrament/der Tauff/des zarten Fronleichnams/vnnsrer herren / vnnnd annders dergleichen aufreütet/vnnnd derhalben bey den Truckereyen/aus welchen der vrsprung offtberürter new einreisenden Secten merers tails geflossen / laut vnnsrer vorausgangen General/nordurfftig vorsehung/vnnnd verordnung thuet.

Dergleichen die Gotflesterung/die ain zeitlang bey Menigklich so gar getriben/mit sonnder ordnung vnnnd straff/auch die leichtfertigen Spill vnd zütrincken/durch welches zütrincken Todtschleg

vnnnd vnſaglich vbel erfolgt/vnnnd dergleichen vbel vnnnd Sündt/  
genzlich mit ernnst vnnnd ſtraff/ abſtellet/vnnnd in ſonders dieweil  
Wir vernemben/das vnangesehen der gemainen Chriſtenhait hal-  
tung vnnnd vnſer ausganngen General züerachtung Chriſtenli-  
cher Ordnung/on not/wider gemainen Chriſtenlichen Prauch/der  
von zeyt der Zwelfſſpoten an Vnns komben/etlich am Freytag/  
Sambſtag/vnd Daſſtag/vnd durch die vierzig tag der Daſſten/  
Fleiſch eſſen/darzü in etlichen Jaren nit gepeicht/auch nie das heyl-  
lig Sacrament auf Oſterlich zeyt empfangen/ Das Ir die Geyst-  
lichen dieſelben auf der Canngel/mit heiliger geſchriſt vnnnd Chri-  
ſtenlicher lernung vor ſolcher Ergernus warnet/vnnnd Sy zü ab-  
ſtellung derſelben vermanet/vnnnd Ir vnſer nachgeſetzte Obri-  
kait/wo Sy ſich nachmaln nit bekeren/in vnſerm Namen vnnnd an  
vnſer Statt/nach yedes freuel vnd handlung ſtraffet/Vnnnd vber  
das alles ſollet Ir die Pfarrer/Seelſorger/vnd Predicanten/ in ai-  
ner yeden Pfarz/auf den Canngeln/ vnnnd die Peichtvätter ſonnſt  
das volckh/alle Suintag vnnnd Feyrtag ermanen/ Das Sy Gott  
den Almechtigen trewlichen Bitttē/ymb ainen gemainen Chriſten-  
lichen Friden/auch Chriſtenliche ainigkait im glauben vnd ſonnſt/  
Das auch Gott der herz von ſeinem Chriſtenlichen volck die Theu-  
rung/Sterbleiß/Schwert/vnd dergleichen zornige erſchrockliche  
Straff vnd vbel hynnemben vnnnd verhüetten welle/ Darzü wi-  
der den Feynndt des Namen vnnnd Creüz Chriſti/Syg vnd vber  
wynndung/gnediglich verleihen welle.

Vnnnd nachdem auch in kurzen zeiten / bey etlichen Pfarren  
layder ain groſſer myſprauch/entſtannden/das etlich zü Oſterli-  
cher zeit/das Hochwürdig Sacrament vnderſteen/mit ainer peicht  
zünemben / vnnnd zü denen zeiten vnnnd tügen/ da die Prieſter nit/  
nur allein/mit Peychthören/ſonnder auch mit andern göttlichen  
Amptern beladen ſein/vnnnd nit wol möglich oder menschlich ſein  
khan/das ainer in ſo kurzer Peycht/des lanngen Jars/genuegſame  
rechnung/von ſeinem ſündigen Leben geben müg.

Vnnnd wie zübeſorgen/das durch ſolchen newen myſbrauch/ vil  
diſes Sacrament vnnwürdig/vnnnd Inen / wie die heilig Schriſt  
meldet/züm verdambnus nemben.

Derhalben iſt vnſer maynung/das obgedachte Pfarrer/ Predi-  
canten/vnnnd Diener des Wort Gottes/in Iren predigen vnd ſonnſt  
deſhalben ſonnderlich/leren / ermanen/ auch vnderweiſung thuenl

Damit sich Meniglich pests fleyß zu disem gnadreichen Sacra-  
 ment des zarten Fronleichnams vnnsers Herren Ihesu Christi  
 schicke/ Vnnd sonnderlich das ain yeder herr vnnd Hawßvatter  
 seinen Kindern vnd hawßgesynndt/ ain guet Christenlich vnd löb-  
 lich Exempel vortrage/ Sy auch daneben zu der Liebe gegen Gott  
 vnnd dem nechsten ziehe vnnd lerne/ vnnd Inen nit zusehe noch ge-  
 statte/ vorberürte Laster vnnd vbel zu üben noch zugeprauchen.

Es sollen sich auch von stundan/ nach vberantwortung dises  
 Vnnsers Christenlichen Mandats/ an allen Orten/ Geistlich vnnd  
 Weltlich Obügthaiten bey ainer yeden Pfarz zusamen versüegen/  
 sich miteinander beraten/ vnd verainigen/ wie vnd welcher gestalt/  
 Sy obgemelte vnd annder eingerissen Secten/ Irtsal/ Gotflesste-  
 rung/ Zuetrincken/ vnd anndere Laster/ auch leichtfertig wesen ab-  
 stellen wellen.

Darzu die Gotsforcht/ Diennst vnnd Eere Gottes/ wo die gefal-  
 len weren/ wider aufrichten/ Vnd nemlich so sollen Sy ainen tag  
 in der wochen/ vnnd in sonnders den Freytag/ fürnemen/ auff wel-  
 chen man in ainer jeden Pfarz/ ain andechtige Process mit der Le-  
 taney/ vnnd annderm götlichem Gesanng vnnd Gepet/ Auch ein  
 Ambt oder Mess/ von dem bitteren Leyden vnnd Sterben/ vnnsers  
 Hayllants Ihesu Christi syngen/ oder lesen/ Auch bey aineryeden  
 Pfarz zu Zwelff vrnach Mittag ain zaichen mit der Gloggen ge-  
 leüt werden/ Vnnder welchem Meniglich/ vnd ain yeder Mensch  
 Es sey zu Kirchen oder straf zu Hawß/ oder auff dem Veldt mit  
 rechter Andacht vnd gepognen Knyeen bitten/ vnnd zu Gott rüef-  
 en solle/ das sein göttliche Almechtigkait/ seinen Zorn von Vns vnd  
 allen vnsern Königreychen/ auch Erblantden/ vnd zuuor der gan-  
 zen Christenhait/ abwenden welle.

Ir vnnsere nachgesetzte Obügthaiten sollet auch fürhin dem ge-  
 mainen Man/ in allen obgemelten Strucken/ gleicherweiff ain guet  
 Exempel/ vortragen/ vnd mit vnordenlichem oberflüssigen cöst-  
 lichem Leben vnnd Wandel dem Volckh kain Ergerniß geben/  
 sonnder ain gotsforchtig Exempel vortragen vnd geben.

Wir wellen auch das ain gannz Jar/ das negst/ vnd nemlich alle  
 Monat/ ain mal/ vnd des ersten Sonntags aines yeden Monats  
 dis vnser Mandat in ainer yeden Pfarckirchen von wort zu wort  
 an der Cannzel verlesen/ vnd mit pestter ermanung verkündt/ auch  
 darzu offennlich angeslagen werden solle.

Vnnd wiewol Wir Vnns gennglich versehen/dise vnser not-  
dürfftige Ermanung Beuelh vnd Mandat/werde bey allen vnd  
yeden vnsern Vnderthanen/für Götlich vnd Christenlich/Er-  
ber vnnd gannz trewlich/auch in aller gehorsam gegen Gott vnnd  
Vnns volzogen/Darumb Sy auch von Gott/jr Belomung gewis-  
lich empfaben/sambt dem/ Das wir solichs gegen jnen / mit gena-  
den erkennen/ Vedoeh so wellen Wir selbs vnd durch Vnseredaru  
zü verordente/sleyssig auffmercken haben/an welchen orten/Bei ho-  
hen/oder nyders Stannnds/solich vnser vätterliche vnnd gene-  
digste Ermanung vnnd erjnerung angenommen / vnnd volzogen  
werde/oder nit.

Auch derhalben bey den geistlichen Ordinarien ansuechē thün/  
auff das die gegen der Priesterschaft/ welche sich disem Vnserem  
Mandat/vnngheorsamlich erzaijen / oder demselben zü wider  
handlen wurden/mit gepürender straff verfahren/Wie Wir dann  
gleicher gestalt/in vnsern Obriktaiten/ob disem vnsern Mann-  
dat vestigtlich halten/vnnd die Vnngheorsamen yez oder künfft-  
igtlich/vmb Jr verwürckē/vngestraft nit lassen/darvor wir auch  
ainen yeden / sich vor schaden vnnd nachtail zü bewaren vnnd zü  
uerhütten wissen / Hiemit gnedigtlich verwarnet haben wellen/  
vnd beschicht an solchem allem vnser ernstlicher Will vnd Mai-  
nung. Geben am fünffundzwainzigisten Tag des Monats Ja-  
nuarij/Anno Domini/Tausent fünffhundert vnnd jm Achtunds-  
dreissigisten/ Vnserer Reiche des Römischen jm Achten / vnnd  
der andern aller jm Zwelfften.



